

宋本唐人小集

宋本唐人小集

張蠟詩集

長安春望

明時不敢卧煙霞又見秦城換物華殘雪未銷
雙鳳闕新春已發五侯家甘貧祗擬長緘酒忍
病猶期彊採花故國別來桑柘盡十年兵踐海
西涯

獻所知

跡熟荀家見弟兄九霄同與指前程吹噓漸覺
馨香出夢寐長疑羽翼生住僻驂騮皆識路來
頻鸚鵡亦知名登龍不敢懷他祗望爲霖致

太平

經范蠡舊居

一變姓名離百越越城猶在范家無他人不見
扁舟意却笑輕生泛五湖

抒懷

幾出東堂謝不才便甘閑望故山迴翻思未是
離家久更有人從外國來

言懷

不將高蓋竟煙塵自向蓬茆認此身唐祖本來
成大業豈非姚宋是平人

南康夜宴東溪留別郡守陸郎中

飄然野客才無取多謝君侯獨見知竹葉罇前
教駐樂桃花紙上待君詩香迷蛺蝶投紅燭舞
拂蕙葭倚翠帷明發別愁何處去片帆天際酒
醒時

送盧尚書赴靈武

西北正傳烽候急靈州共喜信臣居從軍盡是
清才去屬郡無非將除新地進圖移漢界古
城遺硯見蕃書山川不異江湖景賓館常聞食
有魚

夏日題老將林亭

百戰功成鬪愛靜侯門漸欲似仙家
墻頭雨細垂纖草水面風迴聚落花
井放鞦韆閑浸酒籠開鸚鵡報煎茶
幾人圖在凌煙閣曾不交鋒向塞沙

贈江都鄭明府

他人豈是稱才術才術湏觀力有餘
兵亂幾年劇邑公清終日似閑居
床頭恠石神仙畫篋裏華牋將相書
更欲栖蹤近彭澤香爐峯下結茆廬

宴駙馬宅

牙香禁樂鎮相携
日日君恩降紫泥
紅藥院深人半醉
綠楊門掩馬頻嘶
座中古物多仙意
壁上新詩有御題
別向庭蕪寘吟石
不教宮妓踏成蹊

贈信安太守

三衢正對福星時
喜得君侯妙撫綏
甲士散教耕隴畝
書生閑許從旌旗
條章最是貧家喜
禾黍仍防別郡飢
昨日中宮說天意
即飛丹詔立新碑

贈水軍都將

平生爲有安邦術，便別秋曹最上階。
戰艦却容儒客卧，公廳唯伴野僧齋。
裁詩謝迥冰膠筆，養藥堂深蘚惹鞋。
直待門前見幢節，始應高愜聖君懷。

邊情

窮荒始得靜天驕，又說天兵擬渡遼。
聖主尚嫌蕃界近，將軍莫恨漢庭遙。
草枯朔野春難發，冰結河源夏半銷。
惆悵臨戎皆効國，豈無人似霍嫖姚。

弔萬人塚

兵罷淮邊客路通
亂鷗來去噪寒空
可憐白骨攢孤塚
盡爲將軍覓戰功

贈鄭司業

晚學更求來世達
正懷非與百邪侵
古人名在
今人口不合於名不苦心

別鄭仁表

春雷醉別鏡湖邊
官顯才狂正少年
紅燭滿汀
歌舞散美人迎上木蘭船

贈段逸人

長筇自擔藥兼琴話着名山即擬尋從聽世人
忙似火不能燒得卧雲心

上所知

初向衆中留姓字敢期言下致時名而今馬亦
知人意每到門前不肯行

過黃牛峽

黃牛來勢瀉巴川疊日孤舟逐峽前雷電夜驚
猿落樹波濤愁恐客離船盤渦逆入巖壑地斷
壁高分繚繞天多少人經過此去一生魂夢怕

潺湲

投翰林張侍郎

舉家貧拾海邊樵來認仙宗在碧霄丹穴雖無
凡羽翼靈椿還向細枝條九衢馬識他門少十
載身辭故國遙願與吾君作霖雨且應平地活
枯苗

贈九江太守

江頭暫駐木蘭船漁父來誇太守賢三邑旋添
新戶口四營漸廢舊戈鋌笙歌不似經荒後禮
樂猶如未戰前昨日西亭從游騎信旗風裏說
詩篇

喜友人日南迴

南游曾去海南涯此去游人不易歸白日霧昏
張夜燭窮冬氣暖着春衣溪荒毒鳥隨船啁洞
冤虵出樹飛重入帝城何寞寞共迴遷客
輕肥

贈李司徒

承家柘定隴關西勲貴名應上將齊金庫夜聞
龍甲冷玉堂秋閉鳳笙低歡筵每恕嬌娥醉閑
櫪猶驚戰馬嘶長恠魯儒頭枉白不親弓劍覓
丹梯

大宮
投翰林蕭侍郎

九仞墻邊絕路歧
野才非合自求知
靈湫豈要魚栖浪
仙桂那容鳥寄枝
纖草不銷春氣力
微塵還助岳形儀
從來爲學投文鏡
文鏡如今更有誰

下第述懷

十載長安跡未安
杏花還是看人看
名從近事方知險
詩到窮玄更覺難
世薄不慚雲路晚
家貧唯怯草堂寒
如何直道爲身累
坐月眠霜思枉乾

贈丘衙推

仙都高處掩柴扉
人世聞名見者稀
詩逸不拘凡對屬
易窮皆達聖
玄微偶携童稚離
青嶂便被君侯換
白衣任醉賓筵莫
深隱綺羅絲竹勝
漁磯

觀江南牡丹

北地花開南地風
寄根還與客心同
群芳盡怯千般態
幾醉能消一番去聲紅
舉世祇將華勝實
真禪元喻色爲空
近年明主思王道
不許新裁滿六宮

贈南昌宰

假邑邀真邑命分明庭元有至公存每鋤弊
同荆棘唯撫孤惇似子孫折獄不曾偏下筆靈
襟長是大開門新銜便合兼朱紱應待蒼生更
舉論

坐爲朋投所知

十五年看帝里春一枝頭白未酬身自聞離亂
開公道漸數孤平少屈人劣馬再尋商嶺路扁
舟重寄越溪濱省郎門似龍門峻應借風雷變
涸鱗

青塚

傾國可能勝効國無勞冥冥更思回太真雖是
承恩死祇作飛塵向馬嵬

傷賈島

生爲明代苦吟身死作長江一逐臣可是當時
少知己不知知己是何人

龜山寺晚望

四面湖光絕路歧鷓鴣飛起暮鐘時漁舟不用
懸帆蓆歸去乘風插柳枝

長安寓懷

九衢秋雨掩閑扉不似干名似息機
貧病却慙墻上土年來猶自換新衣

古戰場

荒骨潛銷疊已平漢家曾說此交兵
如何萬古冤魂在風雨時聞有戰聲

再游西山贈許尊師

別後已聞師得道不期猶在此山頭
昔時霜鬢如今漆疑是年光却到流

華陽道者

華陽洞裏持真經心嫌來客風塵腥
唯飡白石